

Mon filz, mons filz, je vous veulx supplier,
Mon doux enfant, mon bienheureux loyer,
Est-ce bien fait de sa mère oublier
En tel manière ?

Regardez-moy, filz, je vous fais prière :
Reconnaissez votre mère très chère
Qui, pour vous, faict si très dolente chère
En pleurs piteux ! !

Jhésus, mon filz, mon entant gracieulx,
Mon ornement, mon trésor préciculx,
Va-t-il falloir nous départir tous deux ?
Que mort nous lie !....

Si ton corps pend en ceste croix haultaine,
Mon âme y pend par pitié qui m'y mène,
Et n'as sur toi plaie tant soit grevaine
Que je ne sente !....

Filz bienheurez, filz charmant, filz aimé,
Filz gracieux de vertus animé,
De tous vivants mortels le mieulx formé,
O beauté pure.

Choix des humains, fleur de toute nature,
Riche joyau, parfaite pourtraicture,
Regard tant doulx, très bénigne stature,
Face sacrée.

Face adorable et d'asmour esclairée,
Que te voilà, hélas ! défigurée,
Blesme des yeux, toute de sang pourprée !
Est-ce donc vous !